

SCRIPT OF MORNING GOJRI NEWS BULLETIN 14FEB 2025

1015HRS

مارننگ گوجری نیوز بولیٹن 14 فروری 2025

یوہ آکاشوانی جموں ہے عبدل الرحمان تیں خبر سُنو۔

PM US

وزیر اعظم نریندر مودی نے اج کہیو ہے جے بھارت تے امریکہ نے دوطرفہ تجارتی مہم نانہہ ۰۳۰۲ تک ۵ سو ارب ڈالر تک بدھان غو فیصلو کیو ہے اُنہاں نے وائیٹ ہوس مانہہ امریکی صدر دونالد ٹرمپ سنگ دوطرفہ مذاکرات تیں بعد سانجھی کانفرنس سنگ خطاب کرتا واں یوہ اعلان کیو وزیر اعظم نریندر مودی نے کہیو ہے جے بھارت تے امریکہ اپنی حکمت عملی شراکت داری نانہہ مزید فروغ دینگا اُنہاں نے کہیو جے امریکہ بھارت غی دفاعی تیاریاں مانہہ ایک اہم کردار ادا کر رہیو ہے تے ایک قابل اعتماد شراکت دار ہون غے ناتے دوئے ملک ترقی پیدوار تے ٹیکنالوجی غی مُنتقلی غی طرف بدھ رہیا ہیں وزیر اعظم نے کہیو جے بھارت تے امرجہ دہشت گردی غے خلاف مُتحد کھڑے ہیں تے دوئے اس گل ور متقیق ہیں جے سرحد پار دہشت گردی غا خاتمہ واسطے ٹھوس رقومات غی ضرورت ہے۔

LG SECURITY

لیفٹیننٹ گورنر منوج سنہا نے جموں خطہ مانہہ ایک عالمی سطحی حفاظتی جائیزہ میٹنگ غی صدارت کی تے عہدے داراں نانہہ ہدایت دتی جے وے دہشت گردی نانہہ جڑ تیں اکھاڑ تے اس غا نیٹ ورک نانہہ ختم کرن واسطے اقدامات کیا جئیں۔ اُنہاں نے اس گل ور زور دتو جے دہشت گردی غی معاونت و سرپرستی کرن آلا ہر فرد غے خلاف سخت کارروائی کی جانی چاہیے میٹنگ غے دوران قابل اعتماد فقیہ ایجنسی تیز رفتار انسداد دہشت گردی غی کارروائی تے تمام مسائل وں طرات غے خلاف تیاری غی حرورت ور زور دتو گیو۔ تے اُن لوکاں تے خلاف سخت ترین اقدامات چان غی ضرورت نانہہ اُجاگر کیو گیو جہیزہ دہشت گردی نانہہ مالی و نقل و حمل بارے مدد فراہم کریں لیفٹیننٹ گورنر نے اس گل ور زور دتو جے ڈر پھیلان غا کم تے دہشت گردی نانہہ دین آلا اقدامات نانہہ قانون غے مطابق سزادتی جے گی۔

LG JASHAN e JK

لیفٹیننٹ گورنر منوج سنہا نے جشن جموں کشمیر کا افتتاح کیو ہے جہیزو نواں جموں کشمیر مانہہ اُمید غی ایک نویں کرن غے طور ور اُھر یو ہے یاہ تقریب ابجنیو تھیٹر مانہہ منعقد ہوئی اپنی تقریر مانہہ لیفٹیننٹ گورنر نے کہیو جے یاہ اہم تقریب مہاری بھر پور لوک ثقافت نانہہ اُجاگر کرن غو ایک موقعو ہے جہیزو قومی فخر غو ایک ڈریعو ہے تے ایکتا مانہہ ایکتا غو اصول نانہہ مضبوط کرے تقریب مانہہ تقریباً ۳ سو ۰۵ فنکار بکھ بکھ فنون لوک رقص تے ثقافتی اظہار غی نمندگی کر رہیا ہیں اُنہاں نے فن تے ثقافت غی بحالی غے نال نال ترقی ور وی زور دتو تے سماج غی تشکیل مانہہ فنکاراں کا کردار نانہہ اُجاگر کیو لیفٹیننٹ گورنر نے یاہ گل وی دہرائی جے انتظامیہ فنکاری تے اُن کا اہل خانہ غی فلاح و بہبود بارے پُر عزم ہے۔

CM BUDGET

وزیر اعلیٰ عمر عبداللہ نے سال ۲۰۲۲-۵۲ بارے بجٹ غے متعلق کشمیر مانہہ بجٹ تیں پہلاں غی مشاورت مکمل کرلی ہے جس غے تحت اُنہاں نے شوپیاں تے کپوارہ ضلعان غا عوامی نمائینداں سنگ سول سکٹریٹ سرینگر مانہہ ملاقات کی۔ اُنہاں نے اس گل ور زور دتو جے اُن ترقیاتی پروجیکٹاں نانہہ ترجیح دتی جے گی جن غا اہداف بجٹ دور غے اندواضع وین۔ ممبران اسمبلی نے بنیادی ٹہانچہ غی ترقی سیاحت غا فروغ آبپاشی غا فنڈز سڑکاں گی بہتری تے منشیات غی تسکری غے خلاف اقدامات جیسا مسائیل ور اپنی تجاویز پیش کیں۔ اس موقع ور متعلقہ عہدداران نے ضلعان گو منظوری خاکو پیش کیو تے جاری پروجیکٹاں غی تفصیلات تیں وزیر اعلیٰ نے یقین دہانی کروائی جے مُنتخب نمائینداں غی تجاویز ۲۰۲۲-۵۲ غا کمپیٹ بجٹ مانہہ شامل کی جیگی۔ اُنہاں نے حکومت گا جامع منصوبہ بندی بارے عزم گو اعدادو کیو تانجے بجٹ عوام غی ضروریات ناہ موثر انداز مانہہ پوراں کرسکے۔

DIVYA KALA MELA

دویا کالا میلہ ایک منفرد نمائش ہے جہیڑی ملک پھر غا معزور دیویانگ کاروباری افراد تے ہُتر مندی غی صلاحیتاں نانہہ نمایاں کرے یاہ نمائش جموں مانہہ اج تیں شروع ہو رہی ہے جس غو انعقاد معزور افراد غی فلاح وبہبود غا محکمہ گو کیو ہے یوہ مصلو ۴۲ فروری تک روزانہ سویرے ۰۱ بجے تیں رات ۹ بجے تک جاری رہ غو یوہ میلو دستکاری ہتھ کڈی مصنوعات گھریلو سجاوٹ غا سامان ماحول دوستا اشیا ذبورات نامیاتی مصنوعات تے دوجی اشیاء ور مشتمل وے گی جس مانہہ ۰۲ تیں زاید ریاستاں تے مرکز غے زیر انتظام علاقان تیں ۰۱ تیں زیادہ ہُتر مند شرکت کر رہیا ہیں۔ زائرین ثقافتی پروگراماں تے علاقائی کھاتاں تیں وی لُطف اندوز ہو سکیں افتتاحی تقریب شام ۴ بجے منعقد وے گی جس مانہہ مرکزی وزیر برائے سماجی انصاف وبا اختیارات شرکت کرینگا جموں غی ضلعی انتظامیہ نے لوکاں ور زور دتو ہے جے اس پہل مانہہ بھر پور حصول تیں غی جمایت کریں۔

SHAB E BARAT GREETINGS

گزری رات نانہہ شب برات منائی گئی جس دوران لوکاں نے اللہ تعالیٰ تیں اپنا گناہاں غی معافی منگتاں واں امن تے کوشحالی غی دعا کیں اس سلسلہ مانہہ رات پھر مسجداں تے ضائقان مانہہ عبادتی وحو عائیہ مجالس غو انعقاد ہوو لیفتینٹ گورنر منوج سنہا نے وزیر اعلیٰ عمر عبداللہ نے شب برات غا موقع ور لوکاں نانہہ اپنی مبارک باد پیش کی ہیں۔ اپنا ایک پیغام مانہہ لیفتینٹ گورنر نے بنک خودبشات غو اظہار کرتا واں اس گل ور زور دتو جے یاہ مقدس رات عقیدت مندان واسطے دعا مغفرت تے برکت حاصل کرن گو ایک موقعو فراہم کرے۔ اُنہاں نے لوکاں نانہہ عاجزی ہمدردی تے راست بازی اختیار کرن غی تلقین کی تے نال ہی محروم طبقاں غی زمے داریاں نانہہ پورو کرن غی اہمیت ور وی زور دتو۔
